



Nuuk 10. oktober 2018

UKA2018/17

Jens Napâtôk, Partii Naleraq

Uunga siunnersuut: Meeqqanut tapiissutit pillugit Inatsisartut inatsisaata allanngortinnera pillugu Inatsisartut inatsisaat nr. xx, xx. xxx 2018-imeersoq.

(Naatsorsuinnermut periaaseq nutaaq, aningaasarsiat akileraarutaasussat maannakkorpiaq aningaasarsianit taarserneqarput aamma procenti aaqqiissutissaq atorlugu meeqqanut tapiissutit aaqqiivigineqartarneri)

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

Siullermeerneqarera

Meeqqanut tapiissutit pillugit Inatsisartut inatsisaata allanngortinneqarnissaa pillugu inatsisartut inatsisissaattut siunnersuut Partii Naleqqamiit imaattumik oqaaseqarfigissavarput.

Ineqarnermut tapiissutit aammalu meeqqanut tapiissutit suliaqarfinni naatsorsueriaatsiat pillugit iluarsartuuteqqinnerit akuersissutaareersimasunut inatsitinni allangnuinikkut naleqqussarniarneqarpoq. Tamannalu Partii naleqqamiit naammagisimaaratsigu oqaatigissavarput.

Ukiorpasuit tassalu piffissami sivisuumi naatsorsorsueriaatsit aammalu malittarisassat peruserineqartartullu aqqissugaanerat isornartorsiorneqartarsimaqaat, meeqqanut tapiissutit najugaqatigiittut, tassalu inoqutigiit aningaasarsiaat malillugit pitsaanerpaamik pisarsimangimmat.

Inatsit maannakkumut atuuttoq annertuumik inoqutigiinnut tassalu ilaqutariinnut annertuumik sunnuteqapiluttarsimavoq, isertitat tassalu aningaasarsiat koruuninik ataatsiakkaannguanik qaffannerisa kingunerisaanik tapisiat appariapiloortinneqartarmata.

Inoqutigiit aningaasat inuuniarnermini nammineq atorsinnaasaat taamatut annertuumik ikileriartarnerat koruuninguat ataatsiakkaannguit isertitassarissat qaffalaarneri pequtaalluni pissusissamisunnngilluinnarpoq, taamaammallu tupinnangitsumik taamatut naatsorsueriaatsit peruserineqartullu isornartorsiorneqartarnerat sivisuunik ingerlasimanerat siusinnerusukkut aqqitariaqarluinnakkat ilagisimasariaqaraluarpaat.

Ineqarnermut tapiissutit aammalu taamatut meeqqanut tapiissutit ilaqutariippassuarput inoqutigiinnut naapertuutinnngitsut maannakkut pisariillisarneqarlutik nutarterneqarnerat pissusissamisoorsoraarput aammalu tamanna tamakkiisumik tapersorsoratsigu Partii Naleqqamiit oqaatigissavarput.

Inatsinni naatsorsuinnermut periaaseq nutaaq, isertitat procentii atorlugu aaqqiissutissaq atorlugu meeqqanut tapiissutit aaqqiivigineqartalernissaat inuit annertuumik meeqqat tapiinut annertuumik appaaffigineqassaarneranik ilanngaanneqassaarneranik kinguneqartussaavoq, tamannalu inuit aarleqquteqaratik isertitaqarsinnaangorput, tassalu sulisinnaangorput, tamannalu suliffeqarfimmi eqeersimaarnermik peqataarusunnermullu aqutissiuisut ilagisussaassavaat.



partii naleraq

Pissakinnerusunut inimut tapit aammalu meeqqanut tapit atorneqartartut pissusissamisoortut isumaqarpugut inuuniarnerup akitsoriartupiloornera, tassalu aningaasartuutit annertusiartupiloornerat ilutigalugu qaffassarlugit naleqqussartuarnissat pingaaruteqarluinnarmat eqqummaffigineqarnerulluni nalilersortuartariaqartut isumaqarpugut aammalu tamanna ilanngullugu nalilersorneqarluni ataatsimiititaliami suliarineqarnissaa Partii naleqqamiit kissaatigaarput.

Ilanngullugu Naalakkersuisunut kaammattuutigissavarput akunnattumik isertitaqartartut tapinut qummut killeritinneqartup qaffaaffigisinnaanera ullutsinnut naleqqussarneqarnissaa.

Aningaasap pisissutaasinnaanerata annikkilliartornera ilutigalugu naleqqussaasoqartannginnerata akunnattumik isertitaqartut annertuumik eqquiffigisimalersimavai.

Akunnattumik isertitaqartut ulluinnarni taakkuupput nunatsinni pingaaruteqartorujussuarmik ingerlatsinitsinni sulisuusut, kisiannili suut tamaasa akitsorujussuariartuinnarneri peqqutaalluni aningaasarsiami pisussutaasinnaanerat annikinnerulernikummat eqqugaangaatsiartut.

Imatut ilaqutariippassuit eqqugaatigilersimapput ulluinnarni inuuniarnerminni naammattusaareqqissaarlutik pisariaqarlutik, ilaatigummi ineqarnermut aningaasartuutit akilereeraangamikku allatut saniatigut aningaasartuuteqarsinnaanerat killeqartorujussuuvoq, taamaammat ilungersorlutik inissisimalersimasorpassuit eqqarsaatigalugit nalilersuisoqaqqinnissaa Partii Naleqqammit kissaatigaarput kaammattuutigalugu nalilersersueqqinneq aqqiinnissamut aqqutissiuinermik kinguneqartinnissaa.

Partii Naleqqamiit taamatut oqaaseqarluta Naalakkersuisut inatsisamik siunnersuutaa ataatsimiititaliami suliarineqarnissa innersuussutigaarput.